

K. br. 108/22

U IME CRNE GORE

Osnovni sud u K., sudija D.S., uz učešće zapisničarke V.P., u krivičnom postupku protiv okrivljenog Đ.V. zbog krivičnog djela razbojništvo iz člana 242 stav 1 KZCG, koji se vodi po optužnici ODT-a K. Kt.br. 166/22 od 04.05.2022 g., nakon glavnog i javnog pretresa održanog dana 23.09.2022 g., u prisustvu državnog tužioca iz ODT K.Ž. P., okrivljenog Đ.V., njegovog branioca adv. M.F., donio je i javno objavio dana 30.09.2022.g. sljedeću

P R E S U D U

Okrivljeni Đ.V., JMB 31...., od oca Ž. i majke R., rođene Š., rođen 31.07.1998.g. u B., stalno nastanjen u P., N. A. 32, državljanin CG, vatrogasac, neoženjen, bez djece, sa završenom SSS, srednjeg imovnog stanja, ranije osuđivan presudom O. suda u K. K.br.180/20/20 od 06.08.2020 g.zbog krivičnog djela nepostupanje po zdravstvenim propisima za suzbijanje opasne zarazne bolesti iz člana 287 KZ CG novčanom kaznom u iznosu od 200 € i presudom O. suda u K. K.21/20/20 od 26.06.2020 g. zbog krivičnog djela iz člana 152 st.2 u vezi st.1 KZ CG, kojom mu je izrečena mjera upozorenja, protiv kojeg se ne vodi krivični postupak za neko drugo krivično djelo.

K R I V J E

Što je

Dana 05.04.2022.g., oko 04:14h, u ulici Ž.f., u neposrednoj blizini hotela „E.“ u B., u namjeri da prisvajanjem tuđih pokretnih stvari za sebe pribavi protivpravnu imovinsku korist, upotrebom sile protiv oštećenog B.B. iz R., otuđio njegovu torbicu u kojoj se nalazio novčanik sa novcem u iznosu od 180,00 €, bankovnim karticama, pasošem oštećenog, ukupne utvrđene vrijednosti od 109,28 €, na način što se neposredno prije toga kretao automobilom marke „Golf V“ reg.oznaka BR CH 368, tom ulicom, gdje se na mjestu suvozača nalazilo lice A.M., pa kada je uočio oštećenog koji je pješke išao ka naselju B.D., polukružno se okrenuo kod prodavnice „M.M.“ u toj ulici, vratio se, zaustavio automobil, izašao iz istog, prišao oštećenom, zatim mu zadao udarac stisnutom pesnicom u predjelu brade, od kojeg udarca je oštećeni pao, nakon čega je od njega oduzeo gore navedenu torbicu, koju

je oštećeni nosio sa sobom, ušao u automobil i napustio lice mjesta u pravcu D.ulice, pri čemu je bio uračunljiv i svjestan svoga djela i njegove zabranjenosti, a čije izvršenje je htio

- čime je učinio krivično djelo razbojništva iz čl.242 st.1 KZCG

Pa sud okrivljenog Đ.V. na osnovu naprijed navedene krivičnopravne odredbe, te odredbi čl.3, 5, 8, 13, 15, 32, 36, 36a, 42, 45 i 46 KZCG , te čl. 226, čl. 229, čl. 374 KZCG ..

## O S U Ā U J E

Na kaznu zatvora u trajanju od 6 (šest) mjeseci, koju će okrivljeni izdržati nakon pravosnažnosti presude, s tim što se istovremeno određuje da će se ova kazna izvršiti tako što će je isti izdržavati u prostorijama u kojima stanuje u P., N.A. 32.

Okrivljeni kome je određeno izvršenje kazne zatvora u prostorijama u kojima stanuje, ne smije napuštati prostorije u kojima stanuje, osim u slučajevima propisanim Zakonom kojim se uređuje izvršenje krivičnih sankcija. Ukoliko osuđeni jednom u trajanju preko 6 časova, ili dva puta u trajanju do 6 časova samovoljno napusti prostorije u kojima stanuje sud će odrediti da ostatak kazne zatvora izdrži u Zavodu za izvršenje krivičnih sankcija.

Dužan je okrivljeni na ime sudskog paušala uplatiti iznos od 50,00 € i na ime troškova krivičnog postupka iznos od 77,00 € u korist budžeta CG, na žiro račun broj 832-16-52 u roku od mjesec dana od dana pravosnažnosti presude i dokaz o uplati dostaviti ovom sudu s pozivom na broj K.108/22/22.

Obavezuje se okrivljeni da oštećenom B.B. na ime imovinsko pravnog zahjteva isplati iznos od 289,28 € u roku od dva mjeseca od dana pravosnažnosti presude, pod prijetnjom prinudnog izvršenja.